



Na osnovu člana 5, 6 i 7 Zakona o koncesijama (Prečišćeni tekst) ("Službene novine Zeničko-dobojskog kantona", broj: 5/03) i Odluke Vlade Kantona o pristupanju provođenja procedure dodjele koncesije za istraživanje i eksploataciju mineralne sirovine - kvarcnog pijeska na lokalitetu "Nezirov Gaj" K.O. Gornja Breza i K.O. Podvinci, na području općina Breza i Visoko, broj: 02-18-18216/16 od 03.11.2016. godine, Ministarstvo za privredu, raspisuje

JAVNI POZIV

ZA PRIKUPLJANJE PONUDA ZA IZBOR NAJPOVOLJNIJEG

**PONUĐAČA – KONCESIONARA ZA DODJELU KONCESIJE NA ISTRAŽIVANJE I EKSPLOATACIJU
MINERALNE SIROVINE – KVARCNOG PIJESKA NA LOKALITETU "NEZIROV GAJ", K.O.
GORNJA BREZA I K.O. PODVINCI, NA PODRUČJU OPĆINA BREZA I VISOKO**

1. PREDMET KONCESIJE

Predmet koncesije je istraživanje i eksploatacija mineralne sirovine – kvarcnog pijeska, na lokalitetu "Nezirov Gaj" K.O. Gornja Breza i K.O. Podvinci, na području općina Breza i Visoko.

Istražno-eksploatacijski prostor ležišta "Nezirov Gaj" ograničen je graničnim linijama sa prijelomnim tačkama, kako slijedi:

Tačka E	Y= 6 519 380,00	X= 4 877 790,00
Tačka F	Y= 6 519 330,00	X= 4 877 697,00
Tačka G	Y= 6 519 413,00	X= 4 877 722,00
Tačka H	Y= 6 519 473,00	X= 4 877 641,00
Tačka I	Y= 6 519 440,00	X= 4 877 610,00
Tačka L	Y= 6 519 489,00	X= 4 877 606,00
Tačka M	Y= 6 519 369,00	X= 4 877 539,00
Tačka N	Y= 6 519 296,00	X= 4 877 565,00
Tačka O	Y= 6 519 231,00	X= 4 877 660,00
Tačka P	Y= 6 519 284,00	X= 4 877 682,00
Tačka R	Y= 6 519 322,00	X= 4 877 743,00
Tačka E	Y= 6 519 380,00	X= 4 877 790,00

Površina istražno-eksploatacionog prostora na kojem će se realizirati koncesioni projekat je **30.000 m²**, definisan je koordinatama prijelomnih tačaka od E do R, a lociran je na dijelovima parcela k.č. 931 K.O. Podvinci, površine 16.849 m² i k.č. 1232 K.O. Gornja Breza, površine 13.151 m².

Ovo istražno – eksploatacijsko polje ima neposredni kontakt sa istražno – eksploatacijskim poljem za koje je već dodjeljena koncesija koncesionaru "Sanex" d.o.o. Breza.

2. OPIS PROJEKTA

Koncesionar će imati mogućnost realizirati projekat, zasnovan na predmetu koncesije, a to je istraživanje i eksploatacija mineralne sirovine – kvarcnog pijeska, na navedenim lokalitetima, te na taj način realizirati proizvodnju niza proizvoda značajnih za ekonomski i privredni razvoj Zeničko-dobojskog kantona i Bosne i Hercegovine. Procjenjuje se da bi ovim projektom bio uposlen veći broj domicilnog stanovništva. Prema rezultatima ranijih istražnih radova na ležištu ustanovljeno je da postoje značajne rezerve kvarcnog pijeska na pomenutom lokalitetu. Sa iskopom i proizvodnjom kvarcnog pijeska od minimalno 25.000 m³/godišnje, vijek trajanja rudnika je minimalno 11 godina, s tim da će koncesionar dopunskim istraživanjima ovaj vijek značajno produžiti prevođenjem vanbilansnih u bilansne rezerve, te dopunskim istraživanjem okolnih lokaliteta koji nesumnjivo postoje.

3. PRAVO UČEŠĆA

Pravo učešća na ovom javnom pozivu imaju domaća i strana pravna lica koja su registrirala firmu u Bosni i Hercegovini i imaju registrovanu djelatnost iz područja rudarstva.

4. VRIJEME TRAJANJA KONCESIJE

Vrijeme trajanja koncesije za istraživanje i eksploataciju je 11 godina, od čega do 2 godine na istraživanje (prikupljanje i izrada projektne dokumentacije, bušenje, sanacija i izgradnja pristupnog puta i td.), računajući od dana potpisivanja koncesionog ugovora, s tim da Vlada Zeničko-dobojskog kantona vrijeme eksploatacije može produžiti još za polovinu vremena na koje je data koncesija, bez objavljivanja novog javnog poziva.

5. KRITERIJI ZA IZBOR NAJPVOLJNIJEG PONUĐAČA

OPĆI ELIMINATORNI USLOVI

Opći eliminatorni ulovi za izbor najpovoljnije ponude za dodjelu koncesije za istraživanje i eksploataciju mineralne sirovine kvarcnog pijeska na predmetnom lokalitetu su:

- a) Dokaz o uspješnom poslovanju ponuđača u posljednje tri poslovne godine (Bilans stanja i Bilans uspjeha);
- b) Dokaz o uredno izmirenim javnim prihodima (porezima, doprinosima, koncesionim naknadama):
 - Dokaz o uredno izmirenim obavezama prema Budžetu Zeničko-dobojskog kantona ne stariji od 60 dana, računajući od dana prijave na Javni poziv;
 - Dokaz o uredno izmirenim porezima, ne stariji od 60 dana, računajući od dana prijave na Javni poziv;
 - Dokaz o uredno izmirenim doprinosima za PIO/MIO, te za zdravstveno osiguranje, ne stariji od 60 dana, računajući od dana prijave na Javni poziv;
- c) Garancija banke na iznos vrijednosti minimalne jednogodišnje eksploatacije mineralne sirovine - kvarcnog pijeska prema ponuđenoj cijeni koncesine naknade, sa rokom važenja do 90 dana;
- d) Studija o ekonomskoj opravdanosti dodjele koncesije na istraživanje i eksploataciju mineralne sirovine - kvarcnog pijeska na lokalitetima "Nezirov Gaj" K.O. Gornja Breza i K.O. Podvinci, na području općina Breza i Visoko, urađena prema Načelnom sadržaju koji je uradilo Ministarstvo za privredu;
- e) Ovjerena izjava da se pod krivičnom i materijalnom odgovornošću obavezuje omogućiti realizaciju projekata od općeg interesa, za koje Općinsko vijeće Breza i Visoko iskaže interes;
- f) Ovjerena izjava Koncesionara ("Sanex" d.o.o Breza), čije istražno-eksploatacijsko polje graniči sa istražno-eksploatacionim poljem iz predmeta ovog Javnog poziva, o spremnosti regulisanja međusobnih obaveza i odgovornosti u provođenju mjera zaštite na radu i zaštite zdravlja zaposlenika, data u skladu sa članom 17. stav (4), Zakona o rudarstvu Zeničko-dobojskog kantona („Službene novine Zeničko-dobojskog kantona“, broj: 10/12).

POSEBNI USLOVI

Posebni uslovi za izbor najpovoljnije ponude za dodjelu koncesije na istraživanje i eksploataciju mineralne sirovine - kvarcnog pijeska su:

- a) Za eksploatisane količine mineralne sirovine - kvarcnog pijeska, koncesionar je dužan plaćati kontinuiranu koncesionu naknadu u iznosu od **minimalno 0,50 KM/m³** po metru kubnom rastresite mase (slovima: nulazarezp et konvertibilnih maraka po metru kubnom rastresite mase);
Ponuda sa najvišim iznosom boduje se sa 60 bodova.
- b) Minimalna količina eksploatisane mineralne sirovine - kvarcnog pijeska, za koju je koncesionar obavezan plaćati kontinuiranu koncesionu naknadu je **25.000,00 m³ /godini rastresite mase** kvarcnog pijeska, (slovima: dvadesetpet hiljada metara kubnih po godini rastresite mase kvarcnog pijeska);
Ponuda sa najvišim iznosom realizacije jedinice mjere predmeta koncesije u toku kalendarske godine boduje se sa 20 bodova.

- c) Minimalna jednokratna (fiksna) koncesiona naknada po metru kvadratnom istražno-eksploatacionog prostora ležišta "Nezirov Gaj" K.O. Gornja Breza i K.O. Podvinci, na području Općine Breza je **10.000,00 KM/ha** (slovima: desethiljada konvertibilnih maraka po hektaru).
Ponuda sa najvišim iznosom minimalne jednokratne (fiksna) koncesione naknade po hektaru istražno-eksploatacionog prostora ležišta boduje se sa 20 bodova.

Napomena: Minimalni zbir bodova najpovoljnijeg ponuđača ne može biti manji od 70% maksimalnog broja bodova u skladu sa članom 2. Pravila o postupku dodjele koncesija ("Službene novine Federacije BiH", broj: 68/06).

Distribucija bodova vršit će se prema proporcionalnom principu.

5. POSTUPAK IZBORA NAJPOVOLJNIJE PONUDE

Izbor najpovoljnijeg ponuđača obaviti će Komisija u skladu sa Zakonom i Pravilnikom za ocjenu najpovoljnije ponude za dodjelu koncesije ("Službene novine Zeničko-dobojskog kantona", broj: 3/03).

6. SPISAK POTREBNIH DOZVOLA I DRUGIH AKATA

Najpovoljniji ponuđač dužan je prije potpisivanja koncesionog ugovora Ministarstvu za privredu dostaviti:

- snimak „nultog stanja“ istražno-eksploatacijskog polja,
- geodetski elaborat sa identifikacijom parcela,
- uplatnicu za jednokratnu naknadu,
- ovjerenu mjenicu sa mjeničnom izjavom na iznos od 25.000,00 KM.

Najpovoljniji ponuđač - koncesionar dužan je odmah nakon potpisa Koncesionog ugovora obezbijediti:

- upis Koncesionog ugovora u Zemljišne knjige i dostaviti ZK uložak Ministarstvu za privredu, a u daljnjim upravnim postupcima i:
 - urbanističku/gradjevinsku saglasnost za realizaciju projekta zasnovanog na korištenju predmeta koncesije, izdatu od ovlaštenog organa,
 - vodoprivrednu saglasnost, izdatu od ovlaštenog organa,
 - šumarsku saglasnost, izdatu od ovlaštenog organa,
 - okolinsku dozvolu,
 - saglasnost Zavoda za zaštita spomenika.

7. NAČIN DODJELE KONCESIJE

Koncesija će se dodijeliti prema kriteriju najpovoljnijeg ponuđača tj. po principu najvećeg zbira bodova tenderskih kriterija, koji uključuju visinu kontinuirane i jednokratne koncesione naknade, minimalnu godišnju realizaciju predmeta koncesije, kao i na osnovu općih kriterija dodjele koncesije za istraživanje i eksploataciju mineralne sirovine – **kvarcnog pijeska**, na lokalitetu "Nezirov Gaj" K.O. Gornja Breza i K.O. Podvinci, na području općina Breza i Visoko .

8. PREUZIMANJE TENDERSKE DOKUMENTACIJE

Dio tenderske dokumentacije se može preuzeti svakim danom od 9:00 do 15:00 sati u Ministarstvu za privredu Zeničko-dobojskog kantona.

9. ROK ZA DOSTAVLJANJE PONUDA

Vrijeme trajanja Javnog poziva je **30 dana**.

Krajnji rok za dostavljanje ponuda, do kada ponude trebaju biti zaprimljene na Protokolu Vlade Kantona, je **28.12.2016. godine do 16⁰⁰ sati**, po centralnoevropskom vremenu. Ponude podnesene poslije ovog roka neće biti razmotrane i vratit će se ponuđaču neotpakovane.

Zapečaćene ponude dostavljaju se na adresu:

ZENIČKO-DOBOJSKI KANTON
MINISTARSTVO ZA PRIVREDU
Komisija za koncesije

NE OTVARATI!
ul. Kučukovići br. 2
Zenica

10. OTVARANJE PONUDA

Otvaranje ponuda održat će se dana **29.12.2016.** godine, sa početkom u 10,⁰⁰ sati, u prostorijama Vlade Kantona, prostorija broj: 301, ul. Kučukovići br. 2. Zenica.

Sve dodatne informacije mogu se dobiti u Ministarstvu za privredu, telefoni: 032/460-720 i 032/460-721 ili fax: 032/460-722, E-mail: min.privreda@zdk.ba; veb stranici: www.zdk.ba.